

台灣倭兵紀事

臺灣倭兵記事

同治九年間有琉球船一隻被風飄至臺灣南
境山後猪勝東港淺灘打破船中六十七人登
岸被牡丹社高士佛社生番殺死五十四名其
餘十三名經該地頭人護送到府於本年三月
二十二日有日本輪船一隻到琅橋清水港口
據稱為前事而來

二十三日船中先鋒福島九成

本係日本駐廈門地方領事

陸軍省安藤定次官石井賢吉秋永蘭鈴禾敬

又先生魏秋江并軍兵五百餘人另有美國人

三名一同登岸。在八仙灣園中搭白布帳蓬十餘架。是晚將附近孤蔡民逐走。要借茅屋為營。後又中止。是日有英國領事額格勒里帶兵船到社蔡港停泊登岸觀看。

二十五日福島九成同日本官三員入內山賞猪勝束社頭人小卓杞篤。係番社頭人八瑤網率等社各給銃二枝刀一把紅綾花手巾等物。

二十六日小卓杞篤送牛二隻赴日營答謝。二十七日又到輪船三隻日兵一千五百餘人。

文官武將多員一名盧高朗一名佐馬太又一
官稽陸軍省盜谷名橫慮又有嵩山高山山本
三名均是日官不知何職俱各登岸搭白布帳
蓬屯紮

二十八日枋寮

在臺灣南境

千總郭占鰲

專司護洋防番到

日營探查被日兵阻擋不得入營

二十九日到輪船一隻日兵數百名登岸屯紮

四月初二日福島九成坐輪船往北路探查

初三日日兵十六名往保力山脚巡哨行至四

重溪與石門交界之處被牡丹社番開銃打傷
一名取去首級日營得信出隊往救生番逃歸
並未交戰是日大雨溪流泛漲日兵收隊回營
不能過渡夜宿柴城並無搔擾城門派兵把守
次早回去凡所宿之家每兵給銀一元為謝
初五日又到輪船二隻有日官四員一名地方
官三先生彭城中平一名陸軍省紀熊本記一
名水師^官水野遵一名陸軍中將西鄉日人稱呼
都督總管各兵隨即帶同兵丁上岸屯紮

初六日，日兵十餘人，仍往保力山脚巡哨。至石門洞，被牡丹社番放銃打傷六名，皆斃。隨有日營援兵追至石門交戰，生番受傷二三十人，斬去首級十二個。大敗奔逃。日兵受傷亦有二十餘名，斃者四名。時閩庄民人與生番有挾仇者，數十人各執刀，隨日兵之後，欲乘机報復。行至四重溪，被日兵將兵器收去，人盡逐回。獨黃文珍一人不肯將軍器交付，被日兵擊斃。

初七日，有官輪二隻，臺灣水師安平協副將周

振邦臺防同知傅以禮委員准補歸化縣吳本
杰等到琅橋查探

初八日帶兵官佐馬太安藤定二名到柴城給
黃文珍之父英銀二十五元為收埋費

初九日安平協臺防同知及委員赴日營會晤
日兵排隊接敘談片刻即回船中各開大砲二
十一聲

初十日日營分兵一股十餘人往龜山後灣仔
駐紮布帳草房搭蓋數十所其陸續運到鍊柱

鐵瓦木板杉料甚多，火藥開花砲子共八百餘箱，均堆積後灣仔營內，稱要起造帥府。

十四日，日本輪船四隻回國。

十六日，日兵三四人入內山紮營，被水淹死二名。

十七十八兩日，日兵二千餘人分三路進兵，攻打生番。先攻中社，爾奈竹社、高士佛社均被攻破，燒燬。後攻打至牡丹大社，生番與日兵接仗，被砲傷六名，搶去生番婆一名。日兵亦被番銃

斃六名，受傷者十餘名，隨即收兵。大社並未攻破。日兵於牡丹社下大埤角一帶紮營，所有雇傭工人挑運軍火等件進山二日，艱苦不堪，多有逃回者。

十九日日營分兵二三百人赴風港屯紮。是日有官輪一隻到琅橋，委員候補縣丞華廷錫查探軍情，即時回去。

二十一日有旂后李丹來，曾為通事到柴城坐轎一頂，隨帶二人備辦禮物送入日營。

二十三日日兵復攻牡丹社被社番銃斃三名受傷數名是夜日兵自盜營中會計部銀錢掣獲斬首一名

二十四日日本輪船三隻到琅橋自紮營後輪船時有往來不能備悉

二十五日又到輪船一隻聞是花旗國兵船有日本文武官員並兵三四百人偁來是日日兵同花旗官十餘人往猪勝東探看地勢時猪勝東社保貓仔社新繞紹貓裡社龍灣社賓仔來

社蚊卒社猴洞社加詰來社荊林隔社共八社
頭人到日營投降即賞各頭人紅綾二疋花巾
五條紅毡二床耳鈎四對又給紅旗八面令每
社各豎一面為憑日兵出入不赴搔擾并限各
社頭人四日到營一次有無事件均要通報又
傳各庄頭人到營選擇辦事四人車城董煥新
街張光清統領埔林阿九保力庄楊阿古惟田
中庄林明國自去投効日營亦即收用各人賞
給紅綾二疋手巾六條即令代議定雇工辛銀

凡搬運軍火近則日給銀四角遠則六角。後林明國定以無論遠近每名每日給銀三角。

二十六日雇去工人二三百人在龜山搭造兵房均係木板木柱上蓋茅草約六十餘所每所五間其營盤橫直約寬百餘丈以竹圍插惟沿海一帶並無竹圍。是夜紮牡丹社之日兵被生番銃傷五人斃二人。

二十七日有官輪一隻到琅橋委員同知袁聞析從郡城來探軍情坐小三板登岸遇日本兵

營到新街回船。次早開回。是日上下快社社主
潘色仔幫辦潘光成到日營投降。各賞紅綾二
疋。毯二條。耳鈎四隻。花手巾五條。紅旂一面。令
其插監社中。限令社主四日來營一次。
二十九日。日兵同花旗人攻龜仔角社。將到大
埔角地方交戰。小卓杞篤勸和。即往番社中相會。
五月初一日。日本有輪船一隻到琅橋。所載物
件。盡堆龜山營中。椅棹百餘副。馬六疋。馬鞍數
百個。醫生二名。是日陸軍林義和。文官彥國華。

等帶百餘名，駕輪船二隻回國。去時云：八月秋風清涼再來。是日日兵在牡丹社脚溪中洗澡，被生番銃斃三人，取去首級一顆。初二日日兵復攻牡丹社，被生番銃斃一人，受傷數人。日營醫生十餘人，閩粵男婦老幼多往求醫，不收禮物，俱記註名姓。並云：日後軍中調遣，不得違令。當時日官安藤定去時，留詩一首云：春風三月發京城，花笑鳥歌送我行。前路所期君識否，臺濟欲弔鄭延平。又云：大業七年辛八

苦間，坐看跋涉幾江山，霸吞瓊埔，臺灣景二十
五橋十二灣。

初三日，駐紮牡丹社下之日兵，移在雙溪口。

初四日，雙溪口日兵，挖取番薯，被生番偷取洋
鎗反擊，日兵斃者二名。

初五日，日兵於雙溪口巡哨，又被生番擊斃一
人。前降豬勝東等八社，概有日兵在社，擄掠姦
淫，凌辱不堪。各社頭人向日營稟告不理，各番
目聚衆公廳飲酒議事，欲與拒戰。日營中遣官

四員兵百餘名，駕輪往北京理論等語。

初六日，龜山又添搭大茅房七座，每座長十餘丈，內堆積五穀種及耕耘器，不計其數。

初七日，仍在龜山搭蓋兵房。西鄉移居龜山營內，連日未與生番接仗。

初八日，欽差幫辦臺灣海防事宜福建藩司潘霽、臺灣道夏獻綸、理番同知謝寶鼎，隨帶文武官員十餘人，坐輪船二隻，到琅橋，於申刻登岸，住柴城。